

夏峯先生集卷之十三

容城孫奇逢啟泰著

詩

述先德

維我始祖肇自興州文皇召徙各卜一疇賈家之莊桑
土綱繆遷居北城會祖庇庥邁跡我祖始衍箕裘締造
維艱敢忘前修

於維我祖人號佛兒淳衷質行面背無岐年近知命始
薦棘闈十年作吏冰雪自持宦雖不達人信勿欺祖德
夏峯集 卷十三 一
惟馨令譽永垂

於維我考是謂克家兄弟異孔門內多譁考心用傷動
忍有加前承後啟矢志何涯色養北堂獨力孔嘉豪士
悲歌野老桑麻彥方君實攜手同車

於維季父訥訥古人不營世務不入俗塵甯固甯儉獨
守其真與物無競返朴還淳下董生帷守原憲貧我從
問業不墮迷津司鐸鄴下教澤猶新

惟我伯兄賦性磊落人所牽纏片言領略雖值家乏意
忘寂寞杯酒浩歌情有餘綽保安鄉曲輯強扶弱居荆



高里奉劉琨約兄也實師父命從學

惟我仲兄賦性和易履道坦坦蕭條高寄義激於中禍
患不避悍使之馴貴不敢媚得飲酒情晰涉世義長而
有述老學更邃庶幾有聞以醒爲醉

祖爲廉吏弟能繼之考有懿德弟能宣之爲人爲子庶
其無虧朋友切切兄弟怡怡武城年餘不慮人嗤無百
畝田有萬首詩

維舟

維舟之憑所憑惟水可載可覆順行逆止水之涸矣舟

夏峯集

卷十三

二

何以起

藐焉一身眾欲如矢環而攻之機張心死內汨外誘人
莫之砥

莫不欲生莫不惡死靜言思之多違生理君子未仁小
人無恥

齒傷志警

耄年善飯身其康彊一朝不慎厥齒用傷少合多離百
味失常耳旣鮮聰目亦少光齒復殘缺通體不良百年
如寄境促情長饑渴害心自取咎殃

有會

學無究竟功無定程身與境會其性自靈非行仁義仁
義無形履道常坦靜坐獨醒鷺飛魚躍水落山青

已酉生日喜述

一堂五世曾見江邨老夫薄德亦抱元孫臘之十四有
酒盈尊親朋甫集攜幼入門乳孫含笑愉我心魂先靈
應慰垂裕後昆倫常之樂他何足論歌詩侑爵古誼猶
存

寄懷耿保汝

夏峯集

卷十三

三

夏峯之阿旣寤且歌今予于邁甯阻關河豈無同好懷
子靡他千古未遠一畫足多靄靄停雲延佇如何

述懷

五月羊裘公平揖抗天子豈非濟川材所志乃如是嗟
彼欲富者干進未有已仕旣道不行祇以自貶恥我本
抱甕人榮華淡如水饑溺不關身脫然何所累靜對懷
蒲團閑情寄圖史聊以藏吾拙敢云掠世美撫膺夜吟
嘯清風片片起

和鹿伯順咏栢韻

奉常冰霜姿雄謀自天挺松栢有同操腸熱面獨冷胸
中羅古今事事挈裘領宋子舊有亭栢環亦秀整因以
傲雪名借栢寫君影豈不厯歲寒論威非論猛羣樹不
敢逼歸風濤千頃重咏咏栢篇與君無差等

贈杜君異

此君一何異娟潔自性生屬文堪破膽對面善逃名憶
昔避賊日出門戈已橫盡室皆徒步澀囊已全傾負母
藏草間有慟不敢聲復念猶子孤友于義更明顯母且
顧兒鬼神飲血誠行也而兼學吾道借干城銜杯非嗜
酒聊以瀉不平

卷十三

四

聞盧九台戰沒因憶茅止生

孔生從軍行備悉軍中事十日絕糗糧展轉憂如刺忽
聞敵騎來仗劒身先出麾下兵已卻君猶怒目視鎧甲
突重圍萬夫皆辟易遍體帶傷痕抽矢奮猿臂死敵與
死法了了明大義一死未足多百事爲君累斷金誼若
何同肩而用異中情少人知難免讒夫忌試問從者誰
應洒茅容淚茅子受君知茅留爲君地予未識君面思
君入夢寐爲感知己言古人重其意茅子予舊交仗劒

素有志無柰多坎坷魚水緣未遂何日重攜手不獨語
別離

庚辰人日

百樓逢人日行年五十七往事抵掌間酸流骨孔出既
無負郭田終鮮治生術春官十一上匹馬歸來疾自分
甘林壑富貴非其質此行雖勉赴筋力已全失幸有清
修人所學稱入室朝夕共嚶鳴何事不可畢有兒已成
行長幼頗秩秩大者知名行小者亦和吉兄老興尙酣
弟復工音律天以娛我老竊附民之逸

夏峯集

卷十三

五

癸未四月還百樓舊居有懷君異國鎮

去此忽七月煙雲徧草萊居停仍似昨腥穢雜青苔
上書百卷棄置與塵堆主人腸千結語語帶中哀隣老
多慘死子弟不能糧稚兒苦勞役入門病相催酸聲時
映耳安得好懷開回憐避其日我病清涼臺萬馬殺氣
逼難到北山隈杜子不忍去陳生共徘徊矢言天日在
精血不會灰泡影百年中得此安恨哉何日聯翩至重
整舊尊蠹

夜訪李起蟄

君本恬修士所遇一何窮連隕妻與妾夢蘭望已空有
女亦朝露孤身蕭寺中家僅存四壁門無三尺童入夜
適相訪借火向隣東茶點麥芽鮮果出乾棗紅滯慮孤
清洗深山老衲同甫坐大風起別去心忡忡

董韞生胡存伯養仲過訪

白髮一衰翁兀坐衡門裏僻性苦紛囂不慣入城市不
適三人來英妙非俗子吐詞何超越予言無不喜欲別
雨紛飛幾番行且止烹薇遲上賓淡哉君子水燕月與
秦雲相望從此始

夏峯集

卷十三

六

二士吟貽馬習仲王申之

途窮悲萬里智困氣彌張英傑未遇時今古鬱相望二
仲我知之心期末可量偉略雄儔伍清襟妙辭章十年
匣底劒雙刃彌風霜割雞將焉用淬成百鍊鋼劍合在
一朝鵬飛任徜徉我有二字訣耐心似微長今日持贈
君鄭重莫遺忘

謁靜修先生祠

此地留風教迄今三百年瞻禮神逾竦讀碑石欲仙我
窺先生志適符高尚篇縱不值元運甯與王侯肩有客

聞我語搖首曰不然先生服孔姬寤寐思堯天婉詞謝
時宰暫出卽言旋此老非迂闊心事幾熬煎試將今日
意便可印昔賢此語人在懷特質先生前遺像若有言
精靈可默傳

讀許魯齋集

我讀公遺書知公心最苦乾坤值元運民彝已無主公
等二三輩得君爲之輔倫理未全絕此功非小補不陳
伐宋謀天日昭肺腑題墓有遺言公意有所取眾以此
謂公未免儒而腐道行與道尊兩義各千古

夏峯集

卷十三

七

輓陳元禮

憶昔聚江干槐井盤桓久論事酷能言樂結賢豪友太
常殉義日哀號破君口傍觀感且泣友道一何厚禮臣
入告疏實出君家手鹿子足千秋此誼真不朽儂也衰
病身君偏忘我醜吁嗟今已矣往事難回首執紼力未
能遙空酌杯酒

與友人談五柳先生

我最愛陶公門前少五柳東籬旣無菊性亦不嗜酒獨
此貧相當腰不折五斗陶公如見我應與同攜手養菊

柳成行不知能樂否

夜渡渥水感冲寰相迎

南畝事方興有人奪我壤故廬不敢居攜家尚宵往中
夜門昏黑涼風吹袂響遙遙渥水城捫路宰沆漭感君
單騎來氣勢何倜儻小望整征鞍前導驅罔兩因憶古
英人作事多慨爽

述往

往事何爲述述之明素志立志士初筮垂老或不易憶
我十七齡虎闌稱得意公車甫再上二親遂我棄流淚

夏峯集

卷十三

八

抱中嘆五禩居墓次兄弟欣友于妻孥無詬譁無奈多
窟尤中道益顛頓始室摧戊午踰歲續中饋生兒有前
後孀篋喜相吹已已逝伯兄癸未喪其季哀哀原上饑
四人去其二少小值家乏老至更囊匱丙子殞次女十
年身旅寄蕭蕭一擔輕野鶴孤雲伴澹泊非偏好羶膩
適爲累衣取蔽吾體文繡何足恃食取充吾飢肥甘何
足嗜童稚可娛老卑幼堪共醉門內無戈矛戶外無怨
恚子春與仲連千古切仰企東海不能蹈無終竟難遂
撫己有深哀履運何辭瘁

秋夕聽郭恭軒彈琴

范陽有逸老久登韻士壇過我雲宿舍抱琴一再彈衫
袞抽玉徽香焚氣盈闌漁樵初入琴山海列眉端我本
幽居士此味臭如蘭再奏漢宮曲未半我心酸乾坤萬
古色人代幾凋殘終以思賢操神凝骨欲寒幽聽動鬼
神揮指靜相安用以滌世穢甯直洗我繁絲桐能幾許
古人與盤桓君欲別我去我謂知音難曲終月皎皎霜
鬢兩相看

序朱忠烈有感

夏峯集

卷十三

九

常山罵賊死秀實擊賊亡一舌與一笏千載有耿光非
甘蹈白刃總之念天常嗟我朱忠烈將無同肝腸氣不
激不烈節不烈不揚悲風寒泉水至今有餘芳

示望雅

爾性亦不愚爾識亦不惑所慮者簡束未必詣自得所
慮窺藩籬未必契規則學先破流俗俗破意自特此道
非義襲功深惟一點

書感

我來千餘里思見英雄人胷中羅今古萬物待其新人

也而天遊釣渭與耕莘不然隱君子山水樂相隣邱壑
適吾意皎潔不染塵二者俱悠逸斯道竟沈淪乃知古
人出堯舜其君民退處林泉下坐使風俗淳仁可覆天
下亦可善一身此字不分明痛癢總不親庸眾是非狂
英雄好惡眞此是經綸手千古無等倫

西郊觀蓮

君子不可見花中得其眞君看在污泥挺挺不染塵不
以有人芳不以無人輦幸不值風雨坐悅清霽晨我攜
長幼來儼如對佳賓亦思一舉觴病困復逡巡恨不結
夏峯集 卷十三 十

一茅眠食水之濱託契在幽獨甯直看花人

三仙翁

於林慮得三隱逸焉賈竹號竹軒又號乖公
翟炳號梅軒佚老又號山翁王鼎號松軒亦
曰退翁生於元不樂仕進皆有詩名時人目
爲三仙翁好事者多繪像祀之至今稱曰林

慮三老

元室有逸人松竹梅三友人稱三仙翁茅開林慮牖生
當元季時元季不得有仙翁眞仙翁人與林慮久

遊息堂清話

魚鳥亂天淵君子慎所履我友達觀人包羞其遠旨曲
士矜小忿一觸髮輒指天地開闢來有泰卽有否入佛
且入魔中自有妙理梁公時委蛇屈辱非所恥靜躁嚴
幽獨予懷借君起

所止二首

久淹蘇山側遂爾罷違遊雖云筋力疲緬邈乏良倚渡
江人且還寄言卜一邱我去欲何之神鬼陰爲留夏峯
多奇雲心遠境自幽

夏峯集

卷十三

十一

所止何所樂躬畔遠市塵先師亦有言憂道不憂貧挺
挺長松下四時胥含春皎皎孤明月萬物皆我隣曠焉
能自得何必慕古人

目昏

古人善讀書貴心不貴目不謂目已眊展卷不能讀大
略未能觀安得務精熟我懷紫陽翁因盲悔駟逐聊用
聞心竟所慎在幽獨

憶昔

無錫高景逸關中馮少墟吉水鄒南皋三先

生于神廟末年聚講京師偶觸其遺事悵然
有作以志欽企

憶昔神廟間海內推三老都門設講堂福清爲主道時
彥蔚如雲日夕恣探討我時遊京師攝衣欲往造友人
偶有見尋師當自考未幾三老去我亦竟潦倒今逾三
十年海內鮮盟好後輩律前輩方悔見未蚤初疑賢才
生天地實浩浩曾閱與由賜接踵入懷抱誰知竟不然
真人非易保卓哉三君子立身如日杲言爲世羽儀披
對塵心掃古人異代交猶思薦蘋藻我雖覲面違私淑
夏峯集

卷十三

七

豈草草

雜咏四首

孟氏不動心時方及不惑我逾三十年中略無所得蕩
志旣易搖儀豈能不忒血氣老不降念之生惕息

是非何所定彼此互見之醉醒各相笑趣舍豈同時爭
是徒滋垢毀譽胡以爲但從吾所好千古有明師

世人爭趨避榮華與枯槁榮公饒陶公長飢至于老非
耽身後名應自愛其實一飽復何求多營滋煩擾

人生貴聞道奚論修與短日月不肯遲身如寄客館支

歷國東人不死言亦誕生理果無慙冥趣自坦坦

憶往

七月初秋日禾黍欲登場仲兄與季弟懸弧兩相望刈
黍作新釀蔬果有餘香親知五七人子孫亦成行出率
進杯罍之量饒懽腸弟也先作古兄復繼淪亡秋潔雍
睦時遂爾成悲涼無酒可且止有酒共誰嘗天涯古希
人念此心徬徨

清明感懷

世人修祀事展墓在清明封土與點漿童稚隨父兄田

夏峯集

卷十三

三

廬經籍後征稅不私壑

而墓松楸每歲納米十數斛禁民采伐時祭鮮及

墓有獻密及初生理何顏面胡爲杜子廣初擬蹈東海
島上無田橫再欲訪文山崖山久已傾忍餓蘇山岑孫
邵結爲盟念吾始祖氏興州徙容城興州今何地容城
近盛京前事若觀火後事宜永貞所嗟回車難去土亦
豈輕廻環一念間中夜坐還驚祖考儼在茲寤寐啟前
征

示諸子若孫

歲暮予何言龔贖仍如昔肌膚漸不實手冷面常赤獨

此嗜學心勉與日相迤。陶公五男兒。我復多一索。有能
有不能。幸不至乖逆。見前己六孫。長瀾敦世澤。阿淦年
十八。勵志欲前邁。十三日阿潛。慧性忌太闕。阿淳今九
齡。學步不踟躕。有問輒高聲。慮我耳或格。溥四浴方三。
攜手各無斃。日夕娛老翁。我心亦悅懌。瀾孫亦抱子。家
聲日漸奕。我躬固多愆。祖慶有餘積。陶公兒非癡。古人
嚴爲責。我之子若孫。亦豈皆圭璧。莫知苗之碩。見寸而
遺尺。

戒營二首

夏峯集

卷十三

十四

求多心憂思煩神亂暮年尤宜戒之故作此

詩

人生百歲內。日日事營求。爲謀止一飽。夢寤慙衾裯。所
以古至人。不惑亦不憂。飯糗將終身。五月可披裘。有酒
便且酌。客至任去留。機忘自閒靜。吳越可同舟。語憶裴
晉公。行止與天游。

少壯能幾時。倏忽七十四。聾啞作家翁。蔬食馨殘齒。簷
端宿白雲。坦坦幽人履。立善不必欣。但無雜念累。苦吟
我未能。多慮亦復忌。任運一何心。流行而坎止。大冶無

私情森著有妙理

候殷伯巖不至留此訂蘇山之約并柬申島盟
君髮白如霜君心皎似雪是我老友行誤入弟子列別
君年復年懷君腸幾結季孟傳君來令我神爲悅徘徊
大梁間密意爲君設雲歸思故出蟬賸存吾拙君來當
我歸君歸勿我輟爲語同心人幸無吝車轍

訪賈安

東邨有隱君齋出洛陽後以彼痛哭心轉而爲緘口柴
門晝常局室大僅如斗靜穆無所營詩卷不釋手十畝
夏峯集
卷十三
五
日涉園種花盈戶牖前醉芍藥旁籬菊期重九花落與
花開問君著意否對之覺機忘何啻飲醇酒迎門與將
車荀陳原非偶咫尺素心人頻來呼翦韭

酬隰千里

夙昔問君名筆墨極奇峭相隔僅百里未得接言笑今
臥共城邊十年形影弔忽然枉芳訊驚喜踰素料夜窗
一再讀寒燈耿相照因憶吾子游與君皆年少同入有
道籍君高白雪調雁影斷中天鶴跡凌絕嶠夢想亦有
年名德已稱邵何時入深林縹緲蘇門嘯

五子詩 有引

新城張于度果中易州隰千里崇岱雞澤殷

伯芽之組肥鄉李世其愷故城沈無謀嘉皆

天啟辛酉左忠毅所選士

畿輔有五子斐然著文場受知左忠毅同登有道堂乙
丙璫焰烈于度見俠腸隰子忠信資崎嶇亦康莊靜穆
兮雞澤繩檢者肥鄉予曾過其廬鶴鳴子欲翔沈郎晚
多病音韻猶鏘鏘五子雖藜藿顏色無淒涼讀書友古
人氣誼何軒昂張子從予久埋骨蘇山陽誰謂世運薄

夏峯集

卷十三

共

五子老彌疆姓字挂天壤留以閱滄桑

送王伯生北歸

家住在盧龍寰海恣飛越十載大河南氣志無顛蹶世
事入眼明有懷盡昭揭人謂進善猛猛乃不中歇人謂
嫉惡嚴嚴乃不受杌耿子子益友每向余咄咄兼叟懷
伊人一見欣清樾攜幼登草堂請以弟子謁相將幾夕
晨有叩無不竭臨路莫黷然千里同明月

亡弟啟美生

癸卯七月

七年後我生廿年先我死誰家無兄弟克恭莫如子雙

峰告殞時我病幾不起嗣後各飄零我借蘇門止幸子
有孫曾孝友堂未圯耄年懷二人鴿原情難已潔室修
祀事子位傍考妣今夕子生辰靈爽應在此

里門四首

我今過里門宗族欣來視少者面未識壯者貌亦異本
是同源人話言絕無僞繼而羅酒漿各訴別後事雍睦
宗之光懽情入夢寐

鄰曲知我歸欣然談在昔云去已多年今幸共晨夕舉
步攜兒孫相與勞行役斗酒佐鮮鱗往來稟農隙休戚

夏峯集

卷十三

七

累世同亦爲別離惜

言念我桑梓孰非同室人但以別離久緣疎益得親長
幼聯袂來晤言各率真有酒須一酌粗糲不言貧吾鄉
有先達爲高正有因

邑令聞我來單騎欣至止羣長聞我來函書佐紉綺天
上有故人致言留轍軌自愧一腐儒垂老家常徒聞也
而過情中夜常自起

仰賢詩 有引

彈丸容邑羣賢接踵不可謂非地靈也願與

生於其鄉者共勉焉

劉靜修

文靖元大儒處士召不至非不事裕皇易稱高尚志祖
父生金元舍此身何實尊道與行道情同事無異希聖
學已溪點由置非位俎豆盈孔庭後來如薪積

魏士友

義士事還田元史載孝友義從孝友生此意乃真厚田
去四百年子孫環相守耕田祇耕心心田能耐久堯舜
讓天下天下至今有莊以興讓名兩字自不朽

夏峯集

卷十三

六

楊椒山

忠愍烈節士龍比共嚶鳴矢志誅國賊急聞請劒聲一
歲官四遷圖報有至情祇完當日事豈計百年名名與
身孰親殺身仁乃成賊魄從此奪天地爲一清

胡林尖

胡公元進士天子不得臣講道林尖山同志有五人時
稱五丈夫相聚無宵晨雖不傳所學但云卻聘煩自是
靜修流契慕有獨真沒而賜配饗同德復同隣

李希直張希古

道義由師友二公眞其人希直篤信士所重在敦倫邑
學與國學到處皆認眞文清暨文靖從祀疏請類攜弟
同告歸慕容風氣淳希古師事之志意迴不羣諸生諸
世務鑿鑿叩關陳七疏請靜修較師言更諄師沒倚墓
側端木其後身雙壁儼在望風誼久逾新

從弟奇鵬勇於改過予嘉之爲作此詩

爾一莽男子殊爲宗黨憂我念同高祖用愛似用仇爾
乃不我怨摧剛以爲柔止酒三十年矢志洗前羞閭里
頌聲作時親有道流恥過而作非久矣拙於謀周處三
夏峯集

卷十三

元

害除攜手可同舟

贈三無道人

瓦橋老處士來垂衞水綸閉門唯嗜讀混跡不言貧胸
中無機械肩端不蹙顰口底絕雌黃與物唯一眞舉以
號三無眞不愧古人在孫邵間大易有傳薪我向君
問易君爲我指津君爲我益友況復託良姻君年今古
稀少我十二春命兒多釀酒是夕我作賓山邨話終日
桃源足避秦

田開之哀辭

我來廿餘載與君隔一牆風雨待君過雞黍招我嘗君
得飲中趣竹林稱醉鄉時或借親識叩門共舉觴形忘
心坦適意密語尋常晚年託姻亞杖履喜健康不謂君
櫻疫一病溘露霜憶君去年病三無獨徬徨日月曾幾
何李逝君亦亡行年少于我我能無盡傷老去惜交遊
聊以寫哀腸

送湯孔伯

師友道久衰江村不可作策以燈燭光空山自寂寞舉
世逐雞羣子也雲中鶴道行待其人乃身欣有託相視
在無言鳶魚自飛躍偕登邵子窩空中觀樓閣月窟與
天根開闢而啟籥欲別不忍別後晤有夙約歸當過內
黃咫尺卽瀛洛

有懷三子

三子睢州湯孔伯上蔡張仲誠新安崔玉階
也

伊尹非三聘有莘足潛藏武侯無三顧終老在南陽古
來名世者所遇原非常居則嘆不知知爾卻無長隱居
不求志臨事何以臧投艱而遣大此任豈易當疏水樂

在中畔鑿歌陶唐三子賞我趣時過兼山堂尊行王新建私淑鹿奉常自得非言傳充實有輝光潛見各隨時憂樂皆徜徉時止見亦潛不必定滄浪時行潛亦見豈必在廟廊千古功名士慷慨爭此場我聞養恬者卻是萬仞翔進退有餘裕乾坤總一囊神龍日出沒尺寸豈足量

憶叢桂堂

江邨北海亭鄜城叢桂堂兩地作居停主人迥非常情好而意密形跡渾相忘作黍待元直不辨主人行此中

夏峯集

卷十三

三

多素心況有斗酒藏鱗次招我飲還來就我觴江村去千里鄜城別十霜興來又復止銘短力不長行年忽九步艱神徬徨叢桂疎我跡兼山榻生光此道棄如土管鮑交茫茫夏峯有茂林君來可乘涼

五子憶

五子者予少時友也賢固有大小予各有受

益處作此以示不忘

上谷有五子託契在一時江邨賞我趣三益身備之共學四十年友也而兼師范子矜名行塵外有相期絃斷

不再續古道猶在斯許君博雅士肝膽皎不欺常以賣
賦金爲客佐酒卮潘子晚論交語言不涉疑談諧無俗
調不顧世眼嗤孫季具俠腸更喜古文辭患難得若人
荆高祇爲癡五子我良友麗澤各有施其人没已久遺
範儼若茲我今憶五子神氣應相隨

三太公憶

范太公少豪舉自入官時悔從前錯做力砥
積靡移風易俗可稱大勇鹿太公七十居母
喪依然孺子慕左魏事以義烈著天下賈太

夏峯集

卷十三

三

公自秀才時從遊馮琢菴神廟末南臯少墟
景逸三先生講學京師太公與焉

天道翕聚多立家須忠厚幾見浮薄人兒孫得長久范
老少英邁當官無棘手廉吏賦歸來守先而啟後鹿公
洵至誠不肯一言負肝膽照千秋卓哉世罕有賈公積
善家吾黨推孝友嘗入講學壇以躬不以口三老皆父
行相知更非偶不以我年少有疑衷必剖已矣失典刑
愴然竚星斗

田引逸遣兒攜壺來問

午夢纔云醒田郎載酒至代父爲致辭久未得來待恰
好欲出門又值意外事燒芋方得熟聊以佐舉觴我問
田郎言宛然三世萃乃祖我老友妙得飲中趣每一念
舊遊不禁數行淚引逸久相從讀禮神爲瘁所挈陳吾
几呼兒與共嗜一杯復一杯數斟我已醉

病起述往示諸兒暨孫曾

辛亥秋初夕病劇臥繩牀自忖無生理冬盡漸回陽新
春頗健飲朋來自遠方體中雖困頓好友話偏長因之
憶往昔歷歷不能忘七歲入小學十四遊宮牆十七舉

夏峯集

卷十三

三

孝廉二親喜非常勉之以成立勿以淺近嘗國家重制
科作官須賢良不謂連見背形枯而神傷自覺生氣絕
恥事名利場弟兄無外慕妻孥屢糟糠提攜賴賢友學
問別有商好書共我讀好酒澆我腸我事彼代主彼事
我得詳異體而同心管鮑可雁行論交四十載險艱皆
平康已入姚江室行登洙泗堂家居以殉義令我心傍
徨回首乙丙時璫炤正猖狂丙子在圍城四面何悲涼
戊寅避雙峯搜山勢更張甲申淩雲柵闖逆掠歸裝甲
辰表忠書奇禍隱難量皆得免於難俱非意所望我生

多處旅并州是故鄉。但得有知己，何處不徜徉。今得老
庸下，庶不至踉蹌。况汝六男兒，孫曾繞膝傍。此謂考終
命，何啻在義皇。

懷友詩

余生平借良友提攜之益，晚年耄廢尤感及
門之助。我秋夜不寐，因爲懷友詩一章，以誌
老懷。往者，悵志氣之未申；存者，感河山之修
阻。日月易邁，諸友其知余心否耶。

尼山有四友，又復借六侍。顧我耄而病，同人望更亟。匡
夏峯集

卷十三

三

我之不逮諸賢時，寤寐端亮曰：潛菴當仁，不肯避明達。
遭陸氏到手，無棘事定齋。勇向學識力，何超異定園。訟
往愆晚節，挾其祕寬夫。善補過力爲明學地，垂老輕去
鄉。薦馨共旅食，渥城有五修。答問借筆記，習仲能知幾。
介祺稱高寄子，新饒俠腸儀。甫具識器構，斯安省賤守。
身明大義渾，穆稱保汝不以窮失意。退步震之賢，虛懷
亦夔智。駢臣有氣魄，熙侯無俗累。子石稱孺慕，含真嚴
指視天章多。慧根子亮本美質，振公孝友人乾貞。羨篤
志友蘭，與裕卿問學。漸有次，臆盟荆園語。鄂州辨學字。

廉幹推逸菴此度博綜備進德而修業努力各自治我
年已九十燭光安足熾願言日有長助我勿失墜

茅止生自閩中寄詩

連朝飛雪大如手冽冽朔風蛟龍吼泥深骨冷臥袁安
負囊葛生踏疎走驚喜相看鬢欲殘七千里外行路難
開函宛對故人面長短揮毫興未闌忽及賅累事最急
我心不平坐復立彼其之子毒何深坐客聞之皆於邑
毋嗟男兒生不辰從來豪傑多遭屯羨爾履險能如夷
懷中有劍何憂貧

夏峯集

卷十三

三

辛未生日

吁嗟吾生近五十幾欲長歌復欲泣酒熟茶沸客滿堂
忽然回頭百憂集父兮無病突見捐音容時向夢中入
母病纏綿三十年追憶不禁衣袂濕男兒有親生不封
只合川巖著箕笠肉食貴人擁多金采薇餓夫無餘粒
俛仰隨人顏色消是非無主心性急況復冢兄蚤蓋棺
孤寡攢眉日於邑目前弱女眉于歸一絲一縷費收拾
有弟數載寄青氊進退維谷尙縻繫猶子河南子山東
兩從丈人負書笈出門正值冰雪天又恐離鄉廢時習

感新念舊心肺酸暗地清宵常獨立漫云此日不爲勸
勉強追陪心憂也

苦雪行寄弟啟美

夜來朔風吹北牖歷亂雪飛盈尺厚陰凝凍沍火無權
善醉之人亦縮首雪逞風威分外寒閉門僵臥怯衣單
偶憶天涯薄宦者餐冰茹雪苜蓿盤武闈有事將一月
我心驚顧無時歇幾欲策蹇往問之冰路難行畏顛蹶
毋嗟生事多沈淪只今罹禍更要人

哭鹿伯順

夏峯集

卷十三

三

丙子之秋羽騎至范陽城中風沙異江干主人居城南
倉皇戚友爭招致主人素透死生關欣然出門攬鞭轡
議兵議食議城守諸事犁然俱就次無奈主者病日危
有丞貪昧且驕恣城下羽騎如雲屯城頭科索愈無忌
一丞失盡梁夫心空洒江干一掬淚笳鳴匝城白晝黑
城中男婦屍山積君思盡節明倫堂堂扃門閉愁雲出
城隅王氏一荒園竟作安身立命地須臾敵至索其衣
君速求死無回避吁嗟君遂與城殉風日黯淡天欲墜
夙昔大義與純忠慘慘遊魂無衣衾

沙河戰士歌

丙子容城之難四鄉被兵沙河村楊可正率
其二子守成守一與魏君貴魏延海魏延康
魏君俸魏延結協力相持甚久守成君貴延
海延康俱戰死獨魏君聘別守西巷獲全

誰云兵鋒不可當祇緣膽裂手脚忙楊氏可正稱無敵
攜子慷慨護其鄉以繩縛虎如縛兔四面受敵神愈王
大兒重傷猶酣戰血碧身僵刀五創小兒袒背大聲叫
俘卒何若生擒王可憐死鬪魏君貴延海延康俱戰亡

夏峯集

卷十三

毛

君俸延結爭投石不數大劍與長槍獨守隘巷有君聘
沙村堅固如金湯魏氏一門氣何烈先公義士啟其昌
諸魏俱元義士敬益之裔感嘆諸君保此方縱死猶聞烈骨香

有感

人生與世相馳逐茫茫天光何時復閑情入耳耳爲煩
俗事橫眉眉轉蹙遂令一片空明地千條萬緒煩如織
不思談笑覓封侯便欲唾手連千駟嗟予從來不治生
瘠田數畝懶躬耕淒涼婦稚任交謫有酒逢人且共傾
五侯七貴昔何盛響滅焰銷無餘慶首陽孤雲香馥馥

千載兒童知名姓。目前顯晦僅如斯。舉頭天外方得之。
蜨夢夢蜨俱成幻。偷得餘閒學賦詩。

劉佐五設楊兼贈寶刀

東風吹雪滿闌干。曉日清空白晝寒。四十年來燕市裏。
樓前流水紅塵起。竿頭青草酒旗搖。有人匣中鳴寶刀。
把手贈之錦作帶。深慙下榻逢交泰。坐間肝膽饒素腸。
情興淋漓月照牀。燒燭頓忘別話久。香添再煮瓶中酒。
春花未吐春衫紆。山色溪光盡入廬。今夜停杯好相語。
平明上馬過東去。應知依依不勝情。橋南細問黃鶯聲。

夏峯集

卷十三

五

中天斗畔高明月。莫教清笳吹石碣。雲遶薊門老綸巾。
路傍羞對看花人。

壬酉一李華午郭嘉士孔公諧過訪百樓

我別玉君二十秋。相逢忽訝各自頭。往事今情爭問訊。
信宿居停意未休。華午侃侃多奇趣。片中竅識時務。
晤面雖淺注懷深。旗鼓相當定有遇。嘉士翩翩白鳳毛。
渾身膽氣掣弓刀。我與君家稱世契。念言而父意勞勞。
公諧猛力雄冀北。父子兄弟成一隊。昔從盧帥對大敵。
挺鎗躍馬千人退。數子交驩非草草。過我殊忘我潦倒。

清霜片片墜燈前明朝策馬西山道

魏廓園被逮顧艾爲詩送之迄今十六年矣偶

得此紙慟念往事黯然神傷因用其韻

憶昔公交伯順氏聯翩訪我蓬蒿裏信宿茅簷不忍別
相攜慷慨遊燕市忠愍祠下幾徘徊三人莫逆笑相視
未幾公去作諫官侃侃秋霜定國是權輔貂豎兩難支
壯哉危言直如矢誰知天不欲太平眾正一旦成流水
轎車驚傳渡白溝聲光相望儼在咫我來就公一晤言
羸騎不容片時止萬人哭擁叫天王難免獄中纍纍死
夏峯集

卷十三

完

公死無愧忠愍公奸相奸奄無二理范陽城陷伯順殉
天維地柱借不圯兩公地下應懍然同作寰中第一士
檢點篋笥秋夜長往事傷心夢中起扶持氣運賴斯人
漫將血淚涕知已

入郡視奏兒病贈賈式仲張元徵

六旬老翁百感集有子六人卒未立異時弓冶且休論
此日憂兒情何急衝炎我亦扶病來據馬無言多歎息
到門二仲理藥方迎謂莫慮欣相招我聞此語破愁顏
不啻仙人丹一粒感君朝夕相提攜薄雲兩腋風習習

趙元直招飲因賦鹿伯順月從雨後添新色酒
向燈前憶故人之句各以七韻爲詩二章

敬畏堂前清興發
鑪頭煑酒無停歇
三開名釀飲愈酣
推窗正好一輪月
皎皎月明方仲冬
峭寒闌寂無人蹤
仰見玉兔搗靈藥
幾欲躋攀無路從
恨不豐毛羽
一舉冲天脫萬古
滄海不知幾變更
誰挽天河洗兵雨
兩聲方歇月如晝
戲博明瓊笑相就
故友新知各傾心
團團圍坐無先後
先後分題信口拈
英英年少筆鋒尖
慚予不是傳晴手
頰上三毛待爾添
添入容城一腐人

夏峯集

卷十三

三

諸君氣合雅相親
熱腸到老無回護
堪嘆悠悠白首新
白首一言不可得
此形靡就神靡隱
誰云屋漏可欺人
古道照人留本色

黜焉往事一回首
此情不堪提在口
到處攢眉欲何爲
不如且盡盃中酒
酒裏逃名多榜樣
八仙遙與七賢望
誰云古昔皆雄豪
莫道今人無志向
向上無梯未足憑
片塵不起意澄澄
好教萬古常新月
然作中天不火燈
燈然固自有薪傳
暗室常明別是天
家有令名堪裕後
身無穢德更光前
前有啟兮左有翼
良朋星聚樂何極

逢君便恐輕別離安得別去不相憶憶君君憶兩情願
我輩肺腸原一路取友由來爲輔仁世人那得解其故
故鄉咫尺西江隣衣盍相傳盡認真我且洗眼釣東海
誰是寰中轉世人

贈劉元樸

年來春冬病復久痰引壅積一粒難伏枕吐酸心欲嘔
世事離合屢變更一疾伴我到白首探訪盧扁遠相迎
飲藥不啻數十斗避疫渥城來卜居特地就君醫病安
夏峯集

卷十三

三

腕下刀圭若有神二豎束手聽君剖我聞善易不談易
君遂精醫三緘口知君借隱冰壺中行藏的是河間後
晨書觸目示從遊二子

吾家新移太行東宛轉千里山勢雄腹背面目雖未熟
蘇門煙景眞空濛聞嘯樓頭憩旬日放目四野神爲融
大者龍蹲小虎踞遠近吞吐環無窮最喜珠璣百泉水
噴薄派衍萬壑通俯視鬚眉立可鑑魚鳥忘機藻葦中
男婦紛紛刈麥急蓮陂稻渚方肇工日夕香氣竹風來
榴花爛漫火讓紅樓前植樹棕與桐樓虛四牖引清風

遙望戴笠荷鋤者似無租賦擾其躬老夫坐對心自空
此樂願與二子同

與客論蘇門山

蘇門之山等一卷草木不生色黯然何爲博得古今傳
幽事由來在百泉百泉奇絕自生妍山不在高靈在仙
更有名人踵後先靈脈元自遠山延千里相望幾盤旋
應有高人得其全

四石盟

居停有四石焉南垣太湖敗蔓絡身面目不

夏峯集

卷十三

三

可見下有小石如獸抱子玲瓏可愛然去樓
太促樹木繁雜東西二石並峙性喜水微有
枯槁之意予日與摩挲相語石亦似解予意
也若謂予知我而不能位置我與不知我同
予曰爾有賢主人我將代爾言因相與盟

閱世莫如此石深堅貞之性不受侵四時常帶太古色
代謝廢興浩莫測雖然古蔓絡其身太湖本質豈失真
堪喜小石如虎踞玲瓏那論置非處雙劍嶙峋峙西東
不因渴水亂其中石不能言若有意謂我待君結同志

予亦終身愛巖壑兩情相對欣有託肅然再拜與君盟
主人千里一馳聲主人渾樸倍于爾爲爾解縛而吸水
蓮花盛開病不能往

昔卜一廬渥水濱蓮花叢裏寄閒身朝昏坐臥不厭煩
一刻不見花若嗔今日蓮香繞城闌月餘困懶減精神
柳陰東畔橋南鄰紅白爭放爛漫新不能力疾往相親
終是與蓮隔一塵

聊城懷古

雞羣野鶴人中彥博浪之椎聊城箭義不帝秦與擊秦
夏峯集

卷十三

三

英雄心事同一撰良也功成赤松遊魯連勲名奚足戀
尙友千古僅斯人蹟雖滅沒心如見

贈盧誦蓼

八十二歲滇中突耳聰目明世罕有四仕鱣堂冷如冰
歸休十載憐赤手衣敝履穿更無兒族有一孫熒相守
窮廬託命兩孤身慘澹拙謀愴良友余亦蓬漂在他鄉
視君萬里猶昂首余雖行年逾古稀與君班荆成小友
門牆桃李不乏人應有仁人爲君壽天涯作客幸比隣
晨夕爲君儲斗酒

杭行麓爲其二親合葬詩以慰之

覃懷杭生時不遇壯士途窮悲日暮無茅可居無田耕
落筆驚人才別具少從二親汗漫遊母竟先死蘇門路
父繼身殞大河南淒涼歲月愁中度熒熒旅食三十年
舌舛之外無他務痛念兩骸各一方無力恥向世人募
朋儔致賻猶力辭以喪爲家實所懼跋涉徒步挽柴車
志之所帥氣爲赴計程十日負骸歸夏峯之陽可封樹
七歲孤兒攜持來祖德孫謀兩念注杭生此夕慰子情
同人嘉之曰六十二歲猶孺慕

夏峯集

卷十三

書

送談長益之長垣兼訂後約

朔風漫執臨岐手陶然滿酌尊中酒念君十載意何殷
倏忽言別情難剖別懷離緒總堪刪戶外白雲戀故山
一山雲暗眾山拱應待高人廬其間廬在山中隔世塵
自從多難敢逃秦羨君萬里乾坤眼孫邵臺邊與結鄰
鄰有泉聲伴鶴猿碑無華字自金元與君共作東牆避
況復咫尺是長垣長垣前輩李司馬奕奕英名冠朝野
近代邵公父子間屈指文壇推大雅雅風將起見斯時
家國誰憐歸未期來歲桃花漲源水恐君溪外問津遲

月山有引

習聞月山幽勝恨未登眺其上辛丑四月自
河陽歸始得作竟日遊舉酒賦詩聊記歲月
八句老子尙於山靈有緣也

爭聞明月山突兀孤筇雖短輿勃宰無心翻作盡情遊
攜幼穿林忘恍惚高閣危峯力欲疲山僧佐之以蔬核
極目中原指顧間嵩嶽黃河恣飛越嶺頭尙滯欲歸雲
洞口正銜初出月

哭李蔭繩

夏峯集

卷十三

三

憶昔孔從初結契君爲吾友之季弟嗣後吾與君聯姻
猶之彌子子路妻君內尙爾稱女兄君兄事我毫無戾
因之交好四十年出入追隨已兩世君也攜家先出門
擺脫塵緣無留滯師門宗旨君獨窺到處指示雲日霽
成安夏峯鬱相望守者行者無餘歲君之心事我所知
總不欲墮迷離際何必東海與西山只此已完拜墓誓
厭不足也戀有餘二著不負可長逝病臥哭君淚已零
悲風日暮門獨閉

過尙樂村訪母黨陳氏叔姪止宿

大道之傍尙樂村中有先慈姪與孫故園腴田供采地
千里負鋤來耕屯我過內黃經其廬特遣兒子先叩門
一聞我來出郊望眾手推輪疾趨奔先慈見背六十載
得見族黨母若存飯炊脫粟儘足飽語無忌諱色彌溫
同居隣舍皆吾里各出酒果話朝昏異鄉更覺情懷篤
田家自是一乾坤

訪李岫旭書齋

浙江潮比蘇門嘯公和千古稱高調出入千層雲水身
安樂高中獨推邵姚寶平仲與晉卿有元一代文星耀
夏峯集 卷十三 美

我移蘇門二十年欲結異代幾憑弔豈謂今人無古人

因聞王

古愚秦蘭亭

亦二妙我所識荆李有道三人相

視應相笑今來設鐸夏峯西松菊竹石亦幽峭小築澹
菴可棲遲主人位置心多竅幽事偏宜有韻人此心空
洞月來照百泉名勝多大觀如此邱壑亦堪眺盡日盤
桓記勝遊君家賓主我老少

東河南諸友

大河之南有三子以道寬夫與某史某史高風重跋樵
每說出遊色爲喜去年雪滿夏峯邨以道衝寒來自杞

醜言悅馬
又言顏白馬
此言歸山若
六一山在河
南密州亦
什顛

同人屈指推寬夫，遠看大隗山氣紫。近聞同學有錢生，一笈嵩雲家欲徙。王子騎驢渡大河，攜得諸君詩滿紙。頃讀適庵大室書，歸儒原非逃墨耳。原是自家屋裏人，不向他人間轍軌。衰年相望意徒殷，爲賦停雲儼在咫。

訪孟善長

百門之峯太行脈，宋元以後長屬客。峯頭結社追香山，踟躕數影頭俱白。孟舒解組歲頻更，樵牧相傳長者名。竹戶常關凝雪氣，紫車偶出載泉聲。年當八十日耆耆，歸然不愛人稱吏。隔籬揖客早躬迎，酬酢多儀言不苟。夏峯集

卷十三

三

我時攜幼訪秋旻，隣人共看擬荀陳。側聞坐上話往事，幾番認作葛天民。君家文若繩祖武，滌盡塵氛學繡虎。翁平色喜欲呼樽，紫氣千尋落簷廡。病起自慰

家世容城半耕讀，世宦不顯居家睦。書生一脈逾百年，生平良友西江鹿。先人祠墓豈輕離，無田可畊居乏屋。故人邀我過蘇門，曹儲儲一枝爲巢窟。旅邸人士幸相安，風俗淳樸客不逐。共披李郭衛城蘇，陽武錦帆新一六。公望今日之林宗，舊契新姻意雍穆。諸公不速時相遇。

都忘忌諱吐心腹。大夫之賢士之仁。暮年何幸蒙陶淑。
且有高朋自遠來。不嫌野外供粟菽。漫道人情似秋雲。
病突到處皆骨肉。

贈耿隱之

天啟乙丙璫焰張。肆荼一代之忠良。君家揖客意氣長。
天子親詢姓字香。揖客沒去感秋霜。浩氣孤忠天色涼。
平生莫逆鹿太常。儂附同心披肝腸。昔年策蹇過東昌。
嗣君見之心徬徨。今日君來臥我牀。隔世故人儼在望。
乍對憶舊歡無量。急呼從者解行裝。

夏峯集

卷十三

三

元日誦康節詩偶成貽湯潛菴

我與古人審所從。生平最愛堯夫姿。先生生當全盛時。
羣賢功業乎何有。不事王侯鑄羣賢。搏捥乾坤道在手。
興來爲吟自在詩。客至且飲歡喜酒。林間高閣望中希。
花外小車不來久。焚香每誦皓天詩。先生心事昭泰斗。
外王內聖此一身。安老懷少而信友。湯子擬我愧非倫。
先生敬不敢偶。懷古詩成欲寄君。曉起東風儼在柳。

夏峯集卷十三

錢鬯醇謹校

